

爲智人一切瞻仰猶如日月莫不觀察吾言  
虛實宜以理驗大王云何逆見凌機爾時彼  
王見其至意嚴駕往請龍樹菩薩清旦俱集  
正德殿上時婆羅門即以呪力化作大池廣  
長清淨池中出生千葉蓮華自坐其上語龍  
樹曰汝處於地類同畜生我居華上智慧清

十六末

淨寧敢與吾抗言議論尔時龍樹復以呪力

化爲白象象有六牙金銀交絡徐行詣池趣

其華座以鼻紋拔高舉擲地時婆羅門傷背  
委困即便摧伏歸命龍樹我甚頑嚚犯逆大  
師唯願愍哀聽吾悔過龍樹慈矜度令出家  
是時有一小乘法師見其高明常懷忿嫉龍

樹菩薩所作已辦將去此土問法師言汝今  
樂我久住世不答曰仁者實不願也即入閑  
室經日不現弟子咸惟破戶看之遂見其師  
蟬蛻而去天竺諸國並爲立廟種種供養敬  
事如佛

付法藏因緣經卷第五

飛五

## 付法藏因緣經卷第六

後魏世沙門吉又迦夜共曇譯

飛六

龍樹菩薩臨去此世告大弟子迦那提婆善  
男子聽佛以大悲愍傷衆生演甘露味利益  
來世次第相付乃至於我我欲去世囑累於  
汝汝當流布至心受持提婆敬諾當承尊教  
乙

於是宣說真法寶藏以智慧力摧伏異學博  
識淵玄才辯超絕擅名天下獨步諸國其初  
託生南天竺土婆羅門種尊貴豪勝由毀神  
眼遂無一目因即号曰迦那提婆智慧深邃  
機明內發顧目觀察無愧於心唯以其言人

未信受道化不行夙夜憂念於彼國中有一

瑣偉上古回反黠慧上開鬼反黠慧八反摩彌彼綜練宋反茵薜  
二字音窮匱下求反皓白上胡反皓白道反深邃下私反懶和字  
因辱哀婉阮友纤反篋苦帖反劄昵上居反劄昵下尼日反穎穎回咳唾上苦  
愛拯恤上蒸字上聲環音懶知劣喚韓魚却惄然上女呼因於見  
支却緝音禁反錙側慤寂然板瓦豁然活反嚙嚙瘞魚却惄然上呼因於見  
戰姑達矛稍上莫侯反凌機上音凌下禍昌捷音捷切音捷椎音椎媚

天神鍛金爲形立高六丈咸皆号曰大自在天有求願者令現獲報提婆詣廟求入拜觀主廟者言天像至神人有見者不敢正視又令退後失嵬百日汝今但當詣門乞願更復何求而欲見耶提婆答言神審若斯吾乃願見設不如是非我所欲時人聞之咸奇其意追入廟者數千万人提婆既至稽首爲禮天動其眼怒目視之提婆語曰天實神矣然今相觀甚大卑劣夫爲神者當以精靈偃伏羣類而假黃金頗梨爲飾勞費民物何斯小也即登高梯鑿出其目時諸觀者咸有疑意大自在天威德高遠云何爲此小婆羅門之所毀辱將無彼神名過其實余時提婆曉衆人曰神明遠大近事試我我深達彼心所念故登金山聚出頗梨珠咸令一切皆悉了知精靈純粹不假形質吾旣非慢神豈辱也作是語已從廟而出即於其夜求諸供備明日清旦敬祠天神迦那提婆名德素著智與神會

其所發言無不響應一夜之中供具斯備大自在天貴一肉形高數四丈左眼枯涸徐步安詳而來就坐遍觀餚饍歎未曾有嘉其德力能有所致而告之曰善哉大士深得吾心以智見供汝今真是敬信我者世人愚癡唯得吾形以食奉獻畏而誣我今汝供饍美味具足汝之左眼宜當垂給若能見與真上施也提婆答言善哉受教即以左手出眼與之天神力故出而隨生索之不已出眼數万天神讚曰善哉摩納真上施也欲求何願必滿汝意是時提婆白天神曰我素明識不假於外唯恨吾教人莫信受正願我言後必流布  
飛六  
二

神曰甚善即便起退於是提婆詣龍樹所剃除鬚髮受出家法周遊揚化廣濟羣生南天竺王揔御諸國懷貢高心信用邪道沙門釋子一不得見國人遠近咸受其化提婆念曰樹不伐本枝條難傾人主不化道豈流布其國正法王家出錢雇人宿衛余時提婆應募

爲將荷戟前驅整勦部曲威德恩仁物樂其政王嘉其意問曰何人侍者答言此人應募既不食稟又不取價在事恭謹性好閑習未達其心何求何欲王即召之具問其意答言大王我是智人善於言論欲於王前而求驗試即使許之爲建論座尔時提婆即立三義

一切聖中佛最殊勝若於諸法佛法無比救世福田衆僧第一八方論士能壞斯語我當斬首以謝其屈所以者何立理不明是爲愚癡若斯之頭非吾所惜八方論士咸來雲集亦各言曰我若有屈斬首相謝愚癡之頭非吾甘樂提婆語言我所修法仁活万物要不

如者當剃汝髮以爲弟子不斬頭也立此要已便共論義諸外道中情皆淺者適至一言尋便屈滯智慧勝者遠至二日辯理俱匱悉剃其髮度令出家尔時有一外道弟子充頑無智耻其師屈形雖隨衆心結怨忿含毒熾盛瞞刀自誓彼口勝我我刀伏汝作是語已

飛六

三

持挾利刀常於日夜伺求其便尔時提婆出在閑林造百論經以破邪見弟子分散樹下思惟提婆菩薩起定經行外道弟子往至其所執刀窮之汝昔曾以智伏吾師我於今者刀破汝腹即便決之五歲出外命猶未絕愍其狂愚而告之曰我有衣鉢在吾坐所汝可取之急上山去我諸弟子未得道者若脫遇汝必當相執或送於王困汝不少夫身名者衆患根本汝今迷惑愛惜情重是故宜當好自防護時諸弟子有先來者覩見其師發聲悲哭合諸門徒競各雲集驚怖號咷宛轉于地其中或有狂突奔走共相分衛追截要路尔時提婆語衆人曰諸法本空無我我所無有能害亦無受者誰親誰怨孰爲惱害汝等今者愚癡所覆橫生妄見種不善業彼人所害害吾往報非殺我也於是放身蟬蛻而去迦那提婆未捨身時告於尊者羅睺羅曰佛娑伽婆爲度衆生演暢妙法利益來世次第

委囑乃至於我我若滅後當付於汝汝宜護持深經寶藏令諸衆生普皆蒙益羅睺羅言善哉受教於後敷演深經妙法以智慧力摧滅邪道三聞說法盡能受持龍樹提婆及斯大士名德並著美聲俱聞當是時也有娑羅門聰慧奇悟善於言論造鬼名書甚難解了章句廣博十有万偈爲三大士而讀誦之龍樹一聞尋便開悟善能憶持如舊誦習提婆菩薩未解重爲宣釋既經再聞復即明了提婆菩薩爲羅睺羅更廣分別演其章句羅睺羅聞豁然意解時婆羅門便大驚惟此諸沙門才慧乃余讀吾此書不以通利善能分別似若舊習即使信伏改其邪心彼羅睺羅聰慧如是有善方便教化衆生然後以法付囑尊者僧伽難提令其流布饒益衆生僧伽難提有大功德智慧深遠修菩薩行以堅誓願而自莊嚴超過聲聞緣覺境界曾於一時有阿羅漢棄捨重擔具諸功德僧伽難提欲試彼故

即宣一偈而問之言  
轉輪種中生 非佛非羅漢 不受後世有  
亦非辟支佛

大德應當好諦觀察如上所言是何等物尔時羅漢即入三昧深諦思惟不能解了便以神力分身飛往兜率陀天至弥勒所具宣上事請決所疑余時彌勒告彼羅漢世以泥團置於輪上埏埴成瓦如是瓦者豈同諸聖至後世平時彼羅漢即便開解還閻浮提宣說斯事僧伽難提語言大德此必當是彌勒菩薩爲汝宣說然後解耳如是智慧神力變化濟諸羣生不可限量所應作已將欲捨身至一樹下指攀樹枝尋便捨壽猶依此樹諸羅漢等欲移其屍置平坦處蘋薪耶旬如須弥山不可傾動盡其神力亦無異相即便復以諸大白象并力挽之不能移動如芥子處尋蕢香木就下闇毗其火熾盛焚燒身盡樹更翦鬱都無彫毀時衆咸見歎未曾有收取舍

利起塔供養僧伽難提捨身已後有羅漢名  
僧伽耶舍次受付囑流布法眼廣化衆生拯  
諸苦惱有大智慧言辭清辯昔雖出家未證  
道迹遊大海邊見一宮殿七寶莊嚴光明殊  
勝僧伽耶舍齊時已到即往彼宮說偈乞食  
飢爲第一病 行爲第一苦 如是知法實

飛六

五

可得涅槃道

是時舍主即出奉迎敷置茵蓐請入就坐僧  
伽耶舍見其家內有二餓鬼裸形黑瘦飢虛  
羸乏鎖其身首各著一床復有一鉢滿中香  
飯以瓶盛水安置其側尔時舍主即取此食  
奉施比丘語言大德慎勿以食與此餓鬼爾  
時比丘見其飢困即以少飯而施與之鬼得  
食已即吐膿血遍流在地汚其宮殿尔時比  
丘憐而問之此鬼何緣受斯罪報舍主答曰  
斯鬼前世一是吾息一是兒婦我昔布施作  
諸功德而彼夫妻恒懷恚惜我數教誨都不  
納受因立誓曰如此罪業必獲惡報若受罪

時我當看汝由是因緣得斯苦惱小復前行  
至一住處堂閣嚴飾種種奇妙滿中衆僧經  
行禪思日時已到鳴椎集食食將欲訖尔時  
鋪筵變成膿血便以鉢器共相打擲頭首破  
壞血流污身而作是言何爲惜食今受此苦  
僧伽耶舍前問其意答言長老我等先世迦  
葉佛時同止一處客比丘來咸共瞋恚藏惜  
飲食而不共分以此緣故今受斯苦如是尊  
者僧伽耶舍周遊大海遍行觀察見于地獄  
凡有五百即生獸惡深患三有譴責五欲甚  
生怖畏便作是念世間造業終不敗亡如影  
隨形誰能捨離我今應當方便求免觀察情  
至得羅漢道六通無礙三明清徹於一山林  
有五百仙勤修苦行欲望梵福僧伽耶舍往  
至其所爲宣三偈讚佛法僧五百仙人俱得  
道迹如是尊者廣爲佛事教化已訖便入涅  
槃收集舍利起塔供養僧伽耶舍未滅度時  
以法付囑鳩摩羅駄而告之曰佛以正法付

大迦葉如是展轉乃至於我我欲涅槃持用  
相付汝宜至心勤加守護鳩摩羅駄答言受  
教於是次宣深法寶藏彼之功德甚深淵遠  
發大弘誓行菩薩道智慧辯才猶如大海少  
有名稱國人宗仰鳩摩羅駄秦言童子少有美名  
以何緣故号美名耶有一長者緣事餘行以

飛六

六

二甕金寄其親友一甕金大二者金小語親  
友言吾欲他行持此相寄我子意若有欲得  
者必可與之後長者子往從索金親友余時  
還其小者彼即瞋恚不肯取金遂共相將詣  
斷事所具陳上意以求理決衆斷事官莫能  
分了鳩摩羅駄時爲童子於路遊戲聞其訟

飛六

七

昔即作是言兒得金矣何勞苦諭其父本言  
隨子所欲今樂大者理自屬之余時斷事便  
用其語於是名聞馳布四遠因即号爲美名  
童子出家學道才慧超世至一國土人多頑  
嚚雖聞法教都不信受鳩摩羅駄耶語之言  
汝今可集鐵馬万騎遣人乘之在吾前過便

如其言即爲嚴辦鳩摩羅駄暫一見已盡皆  
分別人名馬色衣服相貌具足宣說無一錯  
謬彼國人民方皆信伏造諸經論遊化世間  
所爲已訖即便捨壽鳩摩羅駄臨捨命時告  
一比丘名闍夜多長老當知如人度海必由  
船筏衆生如是欲離三界修行善法然後得出  
出故我今者欲付汝法宜好習學利益人天  
闍夜多言善哉受教遂演深法度化世間彼  
禁戒無有漏失世尊所記最後律師曾於衆  
中有一比丘其嫂至寺持食餉之姪火熾盛  
便共交通犯重禁已尋自悔責極生慚耻我

大愚癡造斯惡業吾今定非沙門釋子衣鉢  
盡置三歧杖上處處遊行高聲唱言我是罪  
人不應須著佛法染衣爲豈既重必入地獄  
當於何處而得救護時闍夜多語比丘言汝  
今若能隨順我語當令汝罪尋自消滅比丘  
歡喜白言受教時闍夜多即以神力化作火

坑其燄猛盛令此比丘自投其中余時比丘爲滅罪故舉身投入大火坑內於時猛燄轉成清流繞齊其膝都不傷害時闇夜多告比丘曰汝以善心至誠悔過所有諸罪今悉摧滅即爲說法得羅漢道由是緣故世皆号爲清淨持律復於一時將諸弟子圍遶往諸德叉尸羅城至其城已時闇夜多慘然顰蹙弟子疑惟問其師意答言且止後當宣說小復前行路見一烏鵲時尊者欣然微笑諸弟子衆重白師言唯願哀愍說其因緣時闇夜多告衆人曰我初至城於其門下見餓鬼子飢急羸困前白我言母生吾已入城求食自與

遺我聞彼言深歎生死受苦長遠無有邊際以是緣故慘然顰蹙彼烏因緣善聽當說乃往過去九十一劫毗婆尸佛在世教化我於余時爲長者子志厭五欲常念出家我若余時作沙門者必斷衆結得羅漢道吾之父母不見從志強爲婢妻欲遮斷我不違命便

飛六  
八  
別來滿五百年飢虛窮乏命不云遠尊若入城見我母者爲吾具宣辛苦之事我始入城便見彼母即爲具說其子飢乏余時鬼母前白我言吾入城來經五百年未曾能得一人湊唾何以故我旣新產氣力羸憊設得少唾爲諸鬼神之所欺奪始於今日值一人唾邊無餘鬼會遇得之欲出城外共子分食門下多有大力鬼神畏其侵奪復不敢出唯願尊者垂哀矜愍持我出城與子相見我於余時將此鬼母出於城外令共子食即問彼言汝生已來爲幾時耶鬼答我曰吾見此城七返成壞國土豐樂人民熾盛又見毀敗殄滅無

即娶妻娶妻已後復欲出家父母語言爲汝娉妻正求繼嗣若生一子乃當相放我尋受教與共交會生一男兒年始六歲余時父母語之曰父若捨我誰見養活先當見殺然後可去余時此兒如父母教啼泣抱我甚生悲

戀我於尔時以愛染心即語子言吾當爲汝不復出家由彼兒故不得道證九十一劫流轉生死於五道中未曾得見今以道眼觀察彼烏乃我前世所生之子愍其嬰愚久處生死以斯因緣是故微笑如是尊者善說法要以辯才力遊化世間所爲已訖入般涅槃尊者闍夜多臨當滅度告一比丘名婆修槃陀汝今善聽昔天人師於無量劫勤修苦行爲上妙法今已滿足利安衆生我受羈累至心護持今欲委汝當深憶念婆修槃陀白言受教從是以後宣通經藏以多聞力智慧辯才如是功德而自莊嚴善解一切修多羅義分別宣說廣化衆生所應作已便捨命行次付比丘名摩奴羅令其流布無上勝法彼摩奴羅智慧超勝少欲知足勤修苦行言辯要妙悅可衆心善能通達三藏之義於南天竺興大饒益時有尊者号曰夜奢辯慧聰敏甚深淵博與摩奴羅功德同等亦能解了三藏之

義流布名聞咸爲宗仰曾於一時彼摩奴羅至比天竺尊者夜奢而語之曰恒河以南二天竺國人多邪見聰辯利智長老善解音聲之論可於彼土遊行教化我當於此利安衆生時摩奴羅即如其語至二天竺廣宣毗羅無我之論摧伏一切異道邪見所爲旣辦捨身命終於是以後次有尊者名鶴勒那夜奢出興於世受付囑法廣宣流布福德深遠才明淵博化世迷惑令就正路所作已訖然後捨身復有比丘名彌羅掘邪見熾盛心無歡信事時彼國王名彌羅掘邪見熾盛心無歡信於罽賓國毀壞塔寺殺害衆僧即以利劍用斬師子頭頭中無血唯乳流出相付法人於是便絕如此之法爲大明燈能照世間愚癡黑闇是故如上諸賢聖人皆共頂戴受持守護更相付囑常轉法輪爲諸衆生起大饒益斷塞惡道開人天路逮至最後斯法衰弊賢聖隱沒無能建立世間闇冥永失大明造作

惡業行十不善命終多墮三惡八難是故智者宜當觀察無上勝法有大功德微妙淵遠不可思議譬如估人欲過大海必乘船舫然後得度一切衆生亦復如是欲出三界生死大海必假法船方得度脫法爲清涼除煩惱熱法是妙藥能愈結病即是衆生真善知識爲大利益濟諸苦惱何以故一切衆生性無定相隨所染習起善惡業若有習近外道邪見受其教戒永即流轉無有邊際是則不名善知識也若有人能起信敬心親近賢聖聽受妙法由聽斯法功德因緣出欲淤泥受最勝樂是故此法名善知識宜應勤心習近供養必能令人離三惡苦如昔往日華氏國王有一白象氣力勇壯能滅怨敵若有罪人令象蹈殺後時象既爲火所燒移在異處近一精舍聞有比丘誦法句曰爲善生天爲惡入淵心便柔和起慈悲意後付罪人都不殺害但以鼻觸舐之而去王見斯已心大惶怖召

飛六

十

諸智臣共謀此事時有一臣即白王言此象繫處近在精舍必聞妙法是故余耳今可移繫令近屠肆彼覩殺害惡心當盛王用其計繫象屠所象見殺戮剝斬截惡心猛熾殘害增甚以是當知衆生之類其性不定所以者何畜生猶尚聞法生慈見有屠殺便爲殘害況復於人而不染習起善惡業是故智者宜應覺知邪見惡法多所損害棄而離之勤作方便習近聖法受持流布起大師想由是微妙功德因緣永當超越三惡道苦度生死海受涅槃樂又此法者爲得道利全分因緣是故復名真善知識如昔阿難白佛言世尊善知識者於得道利作半因緣佛言不也善知識者即是得道全分因緣阿難當知此間浮提除大迦葉舍利弗等其餘衆生若不遇我恒當流轉無解脫期是故我言善知識者能大利益以此緣故當知佛法最尊最妙爲無有上無量功德之所成就是故世尊初成

正覺於樹王下端坐思惟一切世間若使無有父母師長單獨孤露求無恃怙我今應當依誰而立復作是念過去未來現在諸佛悉以勝法用爲師範我亦應當如三世佛深妙勝法用以爲師由是緣故佛常恭敬如斯妙法心敬禮拜勤加守護當知此法甚爲希有

飛六

七

是故智者宜應受持又於往昔有婆羅門持人髑髏其數甚多詣華氏城遍行街賣經歷多時都無買者便極嗔恚高聲唱言此城中人若不就我買髑髏者吾當相爲作惡名聞

言汝諸人患癡閻鈍余時城中諸優婆塞聞是語已畏其毀謗便持錢物至彼買之即以

銅鉉貫穿其耳若徹之者便與多價其半徹者與價漸少都不通者全不與直時婆羅門問優婆塞我此禰體皆悉無異何故價

直而有差別優婆塞言如前觸體有通徹者  
斯人生時聽受妙法智慧高勝貴其若此相  
與多價其半徹者雖聽妙法未善分別以是

付法藏因緣經卷第六

因緣與汝少直全不通者此人往昔都不聽法吾以是故不相與價時優婆塞持此髑髏往至城外起塔供養命歿皆得生于天中以是因緣當知妙法有大功德能所建立何以故此優婆塞以聽法人觸體起塔尚生天上況能至心聽受斯法供養恭敬持經人者此之福報甚難窮盡未來必當成無上道是故諸有欲得無上安隱快樂爲化衆生作大饒益皆應受持如是勝法

縣上 艇下 音訪  
縣上 軒舐下 許神只反  
十二未 劍剥下 必足  
飛六 角反銜賣

### 坐禪三昧經卷上

僧伽羅利造姚秦法師羅什譯

飛七

導師說難遇聞者喜亦難大人所樂聽  
小人所惡聞衆生可愍傷墜老死險路  
常爲恩愛奴處畏癡不懼世界若小大  
法無有常者一切不久留暫現如電光  
是身屬老死愚惑爲所欺汝常爲老賊  
如華艷枯朽毀敗無所直報利福弘多  
共釋天王坐此王天人中欲樂具爲最  
以此可悟意諸欲初軟樂薄皮覆不淨  
滅族禍在後亦如那利瘡吞滅盛壯色  
骨車力甚少亦如利瘡頂生王功德  
忍著無羞耻死人所聚處今日悉安在  
生時所保惜後皆成大苦死時極苦痛  
破癰倒黑膜常當念如是徐達